



**KOMMUNALBESTYRELSEMI
ILEQQUUSUMIK ATAATSIMIINNISSAQ
ATAASINNGORNEQ ULLOQ 29. JUNI 2020 NAL. 9.00**

Deltagere:

Palle Jerimiassen (S), borgmester
Sakio Fleischer (S), borgmesterip sinniisussaa siulleq
Anthon Frederiksen (PN), borgmesterip sinniisussaata tullia
Jørgen Kristensen (S)
Jakob Petersen (S)
Susanne K. Eliassen (S)
Ane Marie M. Andersen (S)
Apollo Mathiassen (S)
Masauna Holm Petersen (S)
Jens Kristian Therkelsen (S)
Karl Markussen (A)
Aqqalu Jerimiassen (A)
Aqqaluk Heilmann (PN)
Ole Danielsen (PN)
Bendt B. Kristiansen (IA)
Regine N. Bidstrup (IA)
Lena Ravn Davidsen (D)

Pisortaneq:
Imaqarniliortoq: Dorthe Løvstrøm Mathiesen, Aningaasaqarnermut pisortaq
Immikkut peqataasut: Pisortaqatigiit
Nutserisut:
Ingerlannera: Oqarasuaatikku

KOM	PINEQARTUT	ILANNG.
20-016	ATV-nik pisinissamut missingersuutinit nuutsitsinissamut qinnuteqaat, (Overførsel)	001
20-017	Aningaaliissutitut ilaassutissamik qinnuteqaat konto 7-mi	002
20-018	Ukioq 2020-mi aningaasaliissutini aqqiineq	003
20-019	Aalisarneq pillugu niuffannissarsuarmut tupermik pisinissamut aningaasaliissutitut nuutsitsinissamik qinnuteqaat	004
20-020	Ilimanami eqqaavilerinerup aningaasaliissutit qaavisigut tapiissuteqarfigineqarnissaannik qinnuteqaat	005
20-021	Missingersuutitut suliaqarnermi sinaakutissaq 2021	006
20-022	Nunaqarfiit atuarfiini pisattanik nutarterineq	007
20-023	Maarmorilik Fond, aaliangersakkat nutarterneri	008
20-024	Ilassutitik aningaasaliineq, Qaanami upalungaarsimatitaqarneq	009
20-025	Akinik allanngineq	010

Aalajangiineq:

Borgmester Palle Jerimiassen peqquteqarluni peqataanngilaq. 1. Viceborgmester Sakio Fleischer Ataatsimiinnermi ingerlatsisuuvoq.

Nunaqarfik Illorsuit inissisimanagera pillugu amerlanerussuteqartuni aammalu Kommunalbestyrelsimi ilaasortat oqaluuserisassatut allagaqaatigisarsimasaat kissaatigineqarpoq immikkut ittumik juulimi aggstimiluunniit Kommunalbestyrelsimi ataatsimiissutigineqassasut.

Ukioq manna Kommunalbestyrelsip ataatsimiiffissai immikkut ittumik ataatsimiinnermi Siumumi kissaatigineqarpoq nalilersoqqinneqassasut.

Lena Ravn Davidsen pisassaqarluni nal. 11.33 peqataajunnaarpoq.

Anthon Frederiksen angalasusnaanini peqqutigalugu nal. 11.52 peqataajunnaarpoq.

Suliaq nr.	Pineqartoq	Ilanng. nr.	001
KOM 20-016	ATV-nik pisinissamut missingersuutinit nuutsitsinissamut qinnuteqaat (Overførsel)	Journal nr.	

Uteqqiineq:

Uani pineqarpoq ATV-nik pisiniarnissamut atugassanik, missingersuutinit nuutsitinissamut suliaqarneq. Aningaasaqarnermut ataatsimiititaliap akuereereerlugu Kommunalbestyrelsimut akuerisassanngorlugu inassutigaa.

Suliap saqqummiunnera:

Kommunalbestyrelse ileqqusumik ataatsimiinnermini tallimannorneq 18. Oktober 2019 aalajangerpoq nunaqarfinni arfineq pingaasuni pedelit ATV-ssaannik pisisoqassasoq. ATV-nik pisinissaq teknikkeqarfimmiit ingerlanneqartussaavoq, taamaattumik missingersuutiniit konto 4-miik 5-imiillu konto 7-imut nuutsitsinissaq pisariaqarluni. Nunaqarfiit pineqartut tassaapput:

- Saqqaq
- Qaarsut
- Ikerasak
- Saattut
- Aappilattoq
- Innaarsuit
- Tasiusaq
- Kullorsuaq

Iluarsiinissamut siunnersuut – sammisanut tunngatillugu nalilersuineq

Missingersuutiniit katillugit nuutsinneqartussat:

Konto 5-imiit: kr. 540.000
 Konto 4-imiit: kr. 420.000
 Katillugit: kr. 960.000

Ingerlariaqqinnissaq

Nuutsitsineq piareerpat teknikkeqarfik ATV-nik piniassooq, aningaasaliissutit katillugit kr. 960.000 konto 7-mut nuutsinneqarnerisigut.

Kingunerisinnaasat:

Nunaqarfinni oqimaattulerinerinernut allatigullu suliassanut oqilisaataassapput.

Aningaasaqarnermi kingunerisinnaasat:

Ilaqutareeqarnermut aammalu peroriartortitsinermut immikkoortortaqarfimmi aningaasaliissutit millinneqassapput, anguniagassatigulli eqquisoqassanngilaq.

Inatsisitingut sinaakkutatingullu toqqammaviit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq.

Suliamik isumaginnineq:

Peroriartortitsinermut ataatsimiititaliaq
Teknikeqarnermut ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aningaasaqarnermut ataatsimiititaliami aaliangerneq:

Akuerineqarpoq

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

Aningaasaqarnermut Ataatsimiititaliap aaliangenera ilalernerqassasoq

Ilanngussat:

Bilag 001-01: [Akilersuinissamut agguarnera](#)

Bilag 001-02: [Skema, nuutsitsinissamut qinnuteqaatit](#)

Aalajangiineq:

Akuerineqarpoq.

Suliaq nr.	Pineqartog	Ilanng. nr.	002
KOM 20-017	Aningaaliissutitut ilaassutissamik qinnuteqaat konto 7-mi	Journal nr.	

Uteqqiineq:

Teknikeqarnermut ataatsimiititaliaq aningaasaliissutitut ilaassutissamik konto 7-p ataani qinnuteqarpoq, Aningaasaqarnermut ataatsimiititaliamilu taperserneqarluni Kommunalbestyrelsimut akuerisassanngorlugu ingerlateqqinneqarpoq.

Suliamik saqqummiineq:

Ingerlatsiviup saqqummiuppai qinnuteqaatit 3 aningaasaliissutitut tapiissutissat katillugit kr. 3,8 mio.-isut. Uani pineqarput Uummannami aqqusinermik asfalterisuineq, Ilimanami eqqagassanik assartuineq kiisalu Upernavimmi anartarfilerisut sulinerminni qamutitut assakaasulinnut atugassat.

Teknikeqarnermut ataatsimiititaliap ulloq 3. juni 2020 ataatsimiinnermini suliarivaa. Ilaasortallu ilaani kissaatigineqarpoq Ilimanami eqqaaveqarnermut aningaasaliissutitut ilaassutissatut aningaasartaqartoq kr. 500.000,00 qinnuteqaat sukumiinerusumik nassuiaateqarfigineqassasoq. Ataatsimiititaliarlu immikkut ittumik ulloq 16. juni 2020 ataatsimiinnermini suliareqqippaa, aaliangiullugulu Kommunalbestyrelsimut ingerlateqqinneqassasoq eqqartugassanngorlugu. Taannalu immikkut punkteqarluni tulliuuttumi aaliangigassanngorlugu suliarineqassaaq.

Uummannami asfalterisuineq.

2020 -imut missingersuutit kommunalbestyrelsimut akuersissutigineqarmata, Uummannami asfalterisuinissamat aningaasanik immikkoortitsisoqanngilaq, Upernavimmut Qaanaamulluunniit. 2019 -imi Uummannami Upernavimmi annikitsumik asfalterisuisoqarpoq, illoqarfiit tamarmik immikkut kr. 1 mio. -nit immikkoortitsiffigineqarmata. Aningaasaliissutit taakkua aqquserngit putuutitut ilaartuinnermut taamaallaat atornerarput. Ataatsimiititaliap sulittaasuanit siunnersuutigineqarpoq Uummannami aqquserngit asfalterisorneqaqqullugit, pitsaavallaarunnaalermata, aamma ilaatigut akuttusuumik aqquserngup nungullarfiisigut savinertut ittut puttussuuttalermata. Tamannalu inuuttaasunit assut avoqqaarineqarsimavoq. Taamaattumik aningaasaliissutitut tapiissutitut konto 7-imut qinnuteqartoqarpoq.

Upernavimmi qamutit assakaasullit anartarfilerisutut sulialinnut

Ingerlatsinermit immikkoortortaqarfik Upernavimmi anartarfilerisut qamutissaannik assakaasulinnik pisinissamik kissaatigarnini nalunaaruteqarpoq. Tamanna patsiseqarpoq qamutit assakaasullit pigineqartut nungullarsimanermik ukioq naanaviannngimmassuk. Ingerlatsinermit immikkoortortaqarfiup ernummatigaa, taamaaliortoqassanngippat anartarfilerisut annertuumik unammillernartumik nalaataqarnissaat, sulisullu attatiinnarniarnissaat ajornakusuulissalluni.

Iluarsiissuteqarnissamat siunnersuut - Uummannami aqqusinermik asfalterisuineq

Kissaatigineqarpoq arsaattarfimmiit illoqarfiup tungaanut aqquserngup asfalterisorneqarnissaa, tamanna pingaartumik napparsimmaviup umiarsualiviullu eqqaa assut nungullarsimammata. Aammattaaq timersortarfimmiit illoqarfittaap tungaanut aqquserngup asfalterisorneqarnissaa kissaatigineqarpoq. Taakkua saniatigut nunat isorartunngitsut iluarsiivigineqarnissaat kissaataavoq. Ingerlatsinermit immikkoortortaqarfimmiit naliliiffigineqarpoq kr. 3 mio. akeqarnissaa, taamaattumik aningaasat takkua aningaasaliissutitut tapiissutitut konto 72 -imut qinnuteqarput.

Iluarsiissuteqarnissamat siunnersuut suliaqartullu naliliinerat – Upernavimmi qamutit assakaasullit anartarfilerisutut sulialinnut

Ingerlatsinermit immikkoortortaqarfiup naliliinera naapertorlugu siunissami qaninnermi anartarfilerisut qamutitut assakaasulinnik nutaanik pisaarnissaat pisariaqarpoq, ingerlatsineq isumannaatsoq ingerlaannassappat. Qamutit nutaat siunertamat akeqassapput kr. 800.000,-, missiliorlugit, taamaattumik

qinnutigineqarput aningaasaliissutitut tapiissutit konto 72-imut.

Ingerlariaqqinnissaq

Aningaasaliissutitit tapiissuteqarnissaq ataatsimiititaliap kissaatigissappagu, taakkua aningaasaqarnermut ataatsimiititaliamut Kommunalbestyrelsimullu suliarisassanngorlugit ingerlateqqinneqarput. Maani aningaasaliissutitit tapiissutit qinnuteqaatit tapersorsorneqarpata aningaasat taakkua kissaatigineqartut pilersinniakkanut qinnutigineqartunut ingerlatinneqassapput kontonut pineqartunut.

Aningaasaqarnikkut kingunissai:

Uumannami asfaltilersuinissamut ataatsimiititaliap tapersersuina ima kinguneqassaaq aningaasaliissutitit tapiissutit kr. 3 mio. konto 72-02-00-50-01 -imut, Aningaasaqarnermut ataatsimiititaliamit Kommunalbestyrelsimullu akuersissutigineqassappat.

Ataatsimiititaliap Upernavimmi qamutit assakaasullit anartarfilerisutut sulialinnut tapersersuina ima kinguneqassaaq aningaasaliissutitit tapiissutit kr. 800.000,- usut, Aningaasaqarnermut ataatsimiititaliamit akuersissutigineqassappat.

Inatsisitigut tunngaviusut:

- Kommunalbestyrelsip ataatsimiinnerat november 2019

Suliamik suliarinnittoq:

Teknikkeqarnermut ataatsimiititaliap
Aningaasaqarnermut ataatsimiititaliap

Aningaasaqarnermut Ataatsimiititaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa akuerineqassasut:

- Uumannami asfaltilersuinissamut aningaasaliissutitit ilassutissatut kr. 3 mio.-nik
- Upernavimmi qamutit assakaasullit anartarfilerisutit aningaasaliissutitit ilassutissatut kr. 800.000

Ilannussat:

Bilag 002-01: [Nuutsitsinissamut qinnuteqaat 72-02-00-50-01](#)
Bilag 002-02: [Nuutsitsinissamut qinnuteqaat 72-42-00-50-01](#)

Aalajangiineq:

Akuerineqarpoq.

Suliaq nr.	Pineqartoq	Ilanng. nr.	003
KOM 20-018	Ukioq 2020-mi aningaasaliissutini aaqqiineq	Journal nr.	

Uteqqiineq:

Ilaqutareeqarnermut Ataatsimiititaliap missingersuutitigut naqqiineq aningaasaqarnermut ataatsimiititaliamut Kommunalbestyrelsimullu akuerisassanngorlugu ingerlateqqippaa.

Suliap saqqummiunnera:

Kommunalbestyrelse 8. september 2019 ataatsimiinnermini missigersuutit sinaakutissat suliarimmagit Ilaqutareeqarnermut Ingerlatsivimmut kr. 10. mio ilassutissatut tunniunneqarput, missingersuutinillu siullermeerinninnermi Ilaqutareeqarnermut Ataatsimiitstaliambut qanoq agguataarneqarnersut qaqtussanngorlugu. Ilassutissatut tunniunneqartut ataatsimiititaliami aaliagiunneqareersut kommunalbestyrelsep ataatsimiinnerani ulloq 18. oktober 2019 akuerisassanngorlugu ingerlateqqinneqarpoq, tamannalu tunngavigalugu Ilaqutareeqarnermut Ataatsimiititaliap ileqquusumik ataatsimiinnermini ulloq 14. november 2019 ingerlanneqartumi aningangaasat agguarneqarnerat missingersuutit aappassaaneernejarnerani saqqummiunneqartoq akuersissutigaat.

Ilassutissatut tunniunneqartut kr. 10 mio. iluani kr. 6.6 mio konto 4-mi agguarneqarnissaat aammalu kr. 3.3 mio konto 11-mut nuunneqarnissaat akuersissutigineqarsimavoq. Aningaasani nuunneqartussani kr. 2 mio meeqqanut inuusuttuaqqanullu sullissisut ilaneqarnissaannut atorneqartussanngorlugit, aammalu kr. 1.3 mio illoqarfinni nunaqarfinnilu pedelinik susassaqrifiit akimorlugit sullissisunik pilersitsisoqarnissaanut atorneqartussanngorlugit.

Aningaasat konto 4-p iluani agguarneqartussat kr. 10 mio.-nit allaffissornikkut suliarineqarneranni konto 4-mut kr. 6.6 mio agguarneqartussat saqqummiunneqarsimapput, misissueqqinnermili paasineqarpoq aningaasat kr. 7,708 mio konto 4-mi agguarneqarsimasut. Tamanna tunngavigalugu aningaasat konto 4-minngaanniik konto 11-mut kr. 1,028 mio nuunneqartariaqalerlutik. Tassa 14. November ataatsimiititaliap aaliangigaa tunngavigalugu katillugit kr. 3.3 mio.-nit konto 11-mut nuunneqartussat naammassiumallugit aningaasat qaangiilluni konto 4-mut ilineqartoorsimasut agguarneqarsimanerat aaqqiiviginiarlugu. Aningaasat konto 4-mi kr. 1,028 mio.-nit aaqqiissutissatut atorneqartussat tassaassapput inuussutissarsiutigalugu ilaqutariit paarsisartunut missigersuutit aningaasartaliunneqarsimasut, kisiannili siunertamut pilersaarutaasumut atorneqartussaajunnarsimasut.

Ingerlariaqqinnissaq

Aningaasat nuunneqartussat aalingerneqareersimasut naqiterinermili nanginaarlugit naqqinneqartoorsimasut Aningaasaqarnermut ataatsimiititaliamut Kommunalbestyrelsimullu aaqqiissutit saqqummiunneqarput akuerineqarnissaat inassutigineqarluni. Akuerineqariarpata, aningaasaliissutini iluarsineqassallutik.

Kingunerisinnaasat:

Missigersuutit ukioq 2020-mut sinaakkutaat ilanngaavigineqasooq, aaqqiinerli aningaasanik sinaakkusiunneqarsimasunik eqqortunik annertussuseqalissalluni.

Aningaasaqarnermi kingunerisinnaasat:

Konto 4-mi aningaasat aallerfiusussat imatut isikkoqarput:

Konto 41-04-20 kr. 250.000

Konto 41-04-45 kr. 250.000

Konto 41-04-50 kr. 278.000

Konto 41-04-60 kr. 250.000

Inatsisitigut tunngavigisat:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq.

Suliamik isumaginnineq:

Ilaqutareeqarnermut ataatsimiititaliaq
Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

Allaffissornikkut kukkusoqarsimanera akuersaarneqanngilaq taamatullu pisoqaqqinnginnissaa siunniunneqarpoq. Tusaatissatut tiguneqarpoq.

Inassuteqaat:

Aningaasaqarnermut ataatsimiititaliap inassuteqaataa ilalerneqassasoq.

Ilangussat:

Bilag 003-01: [Nuussinissamut najoqqutassiaq](#)
Bilag 003-02: [Missigersuutit sinaakkuserneqarnerannit kommunabestyrelsemi aaliangiineq](#)
Bilag 003-03: [Missigersuutit sinaakkuserneqarnerannit Ilaqutareeqarnermut Ataatsimiititaliami aaliangiineq](#)

Aalajangiineq:

Aningaasaqarnermut ataatsimiititaliap inassuteqaataa akuerineqarpoq.

Kommunip kukkusersuisuiniik inassutigineqartartut malinneqarnissaat naammassineqartarnissaallu kukkuluttornerit unioqqutitsisinnaanerillu pinaveersaartinneqartarnissaat anguniarlugu naammassineqartarnissaat inassutigineqarpoq.

Suliaq nr.	Pineqartoq	Ilanng. nr.	004
KOM 20-019	Aalisarneq pillugu niuffannissarsuarmut tupermik pisinissamut aningaasaliissutitut nuutsitsinissamut qinnuteqaat	Journal nr.	

Uteqqiineq:

Ilulissani aalisarneq pillugu saqqummersitsinissarsuarmut tupermik pisinissamut aningaasaliissutitut nuutsitsinissamut uani Kommunalbestyrelsi aaliangiiffigissavaa.

Suliamik saqqummiineq:

Kommunalbestyrelsimiit ulloq 20. december 2019 aalajangiunneqarpoq, Ilulissani aalisarneq pillugu niuffannissarsuarmut tupermik angisuumik pisisoqassasoq. Tupeq saqqummersitsinermut atugassaavoq, haalimut tapertaliullugu napparneqassaaq, taamaalilluni niuffatsitsinermi ini angisooq naammattoq siunertamut atorneqassaaq. Taamaattumik pisineq akeqarpoq kr. 600.000, massakkumut konto 18-imiipput.

Iluarsiiissutissatut siunnersuut suliaqartunillu naliliineq

Tupermik pisinissamut piumasaqaataavoq, konto 18 -imiit konto 72 -imut kr. 600.000 -inik nuussinissamut Kommunalbestyrelse akuersissuteqarnissaa.

Ingerlariaqqinneq

Qinnuteqaatip ataatsimiititaliamit akuerivaa, aningaasaqarnermut ataatsimiititalimut Kommunalbestyrelsimullu suliarineqartussanngorlugu ingerlateqqinneqarpoq.

Aningaasaqarnikkut kingunissai:

Ataatsimiititaliap aningaasaliissutitut nuutsitsinissamut qinnuteqaat Kommunalbestyrelsi tapersorsorpagu taava aningaasanik aallertoqassaaq konto 18 -imiit. Taakku aningaasat immikkoortinneqareermata, taamaaliornikkut kommunimut saniatigut aningaasartuuteqartoqassanngilaq.

Inatsisitigut tunngaviusoq:

- Kommunalbestyrelsi ataatsimiinneri oktober, decemberilu 2019.

Suliamik suliaqarneq:

Teknikkeqarnermut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Aningaasaqarnermut Ataatsimiititaliami aaliangerneq:

Akuerineqarpoq.

Inassuteqaatit:

Aningaasaqarnermut Ataatsimiititaliap kommunalbestyrelsimut inassutingaa:

- *Kr. 600.000 konto 18 -imiit konto 72-imut aalisarnikkut niuffatsitsinissarsuarmut tupersuarmik pisissutissanik aningaasaliissutit nuunneqassasut.*

Ilangussat:

Bilag 004-01: [Konto 72-04-00-50-01 -mut aningaasaliissutinut tapiissutinik qinnuteqaat](#)

Aalajangiussaq:

Akuerineqarpoq.

Suliaq nr.	Pineqartog	Ilanng. nr.	005
KOM 20-020	Ilimanami eqqaavilerinerup aningaasaliissutit qaavisigut tapiissuteqarfigineqarnissaannik qinnuteqaat	Journal nr.	18.01.02

Uteqqiineq:

Ataatsimiititaliap kingullermik ataatsimiinnermini Ilimanami eqqaavilerinerumut tunngatillugu Ilimanamiit eqqakkat assartorneqartarnissaat pillugu aningaasaliissutit qaavisigut tapiissutinik qinnuteqaateqartoqarnissaata annertunerusumik paasissutissiinissaq pillugu misissuiffigineqarnissaa ataatsimiititaliap kissaatigaa. Ingerlatsiviup massakut tamanna suliarisimalerpaa, taamaattumillu ataatsimiititaliap aaljangiiffigissagaa kissaatigineqarpoq, ilumut aningaasaliissutit qaavisigut tapiissuteqartoqassanersoq akuerissanerlugu.

Suliamik suliarinnineq:

Ingerlatsinerumut immikkoortortaqaqarfiup Ilimanamiit eqqakkat assartorneqarnissaannut aningaasaliisoqarnissaa kissaatigineqarnikuuvoq. Ilimanami eqqakkat poortorneqartarput Ilulissani suliarineqartussanngorlugit umiarsuakkut nassiunneqartarlutik. Tamannalu siusinnerusukku Miljøfondinip aningaasaliineratigut aningaasalersorneqartarpoq konto 7 -ip ataani, taamaattoq siunertamut tassungarpiap imatut missingersuusiortoqarnikuunani. Miljøfondinip kontomi aningaasaliissutai annertoorujussuarmik 2020 -imi siunertanut allanut pituttugaapput, Ilimanami eqqaavilerinerumut aningaasaliissutit amigaataallutik. Ingerlatsinerup nunaqarfimmi attatiinnarnissaa eqqarsaatigalugu konto 6 -imut matumuuna aningaasaliissutinut tapiissutinik qinnuteqartoqarpoq.

2013 -imi taamani pingasoqiusamik isumaqatigiissuteqartoqarpoq Realdaniap, World of Greenlandip kiisalu Qaasuitsup Kommuniusimasup akornanni. Isumaqatigiissummi kommuni pisussaaffeqalerpoq illoqarfiup iluani isumaginninnissamik Realdaniali illunik eqqissisimatitanik iluarsaassinissamut (B-803 aamma B-807), World of Greenlandip isumagissallugit takornarianut illuaqqanik pilersitsinissaq. Isumaqatigiissummut tassunga tunngatillugu kommunip taamani nunaqarfimmi eqqaavissuaq atorunnaarsippaa, taavalu tigooravimmik nutaamik pilersitsisoqarpoq, tassanngaaniillu eqqakkat Ilulissani ikuallatassanngorlugit umiarsuakkut assartorneqartalissallutik.

Iluarsiissutissatut siunnersuut – suliaqartunit naliliineq

Kommunip tamanna isumaqatigiissummi pisussaaffigaa, eqqakkat nunaqarfimmit umiarsuakkut tigooraavimmit nassiussorneqartarnissaat, taamaattumik kommunip pisussaaffigaa isumaqatigiissuteqartut allamik iluarsiiissutissamik nassaarnissaata tungaanut. Naak aallartinniarneq unammillernartoqartaraluartoq kommunimut tassunga tunngasortaa naammassimavaa, aningaasallu nassaaralugit, naak missingersuusiornikuunngikkaluarluni.

Tamassuma saniatigut nunaqarfiup iluanut eqqaavilerinerumut tunngasortai ima napparneqarput, umiarsuakkut assartuineq kisimi periarfissaalluni. Nunaqarfimmiit Ilulissanut eqqakkanik assartuineq periarfissatuaavoq pisarialik nunaqarfik ingerlassappat. Siorna isumaqatigiissut eqqarsaatigalugu eqqakkat assartukkat naleqarput kr. 500.000,-, tassa amerlassusaat assigiinnarpaa konto 66-imut 2020 -imut missingersuutinut aningaasaliissutit qaavinut tapiiffigineqarnissamut qinnuteqaatinut.

Ingerlariaqqinneq

Ataatsimiititaliap aningaasaliissutinut tapissutissanik qinnuteqaat taperserniaruniuk taakkua aningaasaqarnerumut ataatsimiititaliamut suliareqqitassanngorlugit nassiunneqassapput. Aningaasaliissutinut tapissutissanik qinnuteqaatit taperserniarunikku aningaasat takkua pilersaarutaasumut ingerlateqqinneqassapput. Eqqaavilerineq taamaalilluni siunertamut immikkoortitanik aningaasanik eqqavilerinerumut atugassanut nalunaaqutsikkanik peqalissaaaq, aamma taamaaliornikkut eqqaavilerineq ingerlatsinnikkut isumannaannerulissaaq.

Aningaasaqarnikkut kingunissai:

Ilimanamiit eqqakkanik assartuinissaq Aningaasaliissutinut tapissutissanik qinnuteqaatit ataatsimiititaliap taperserniarunikku ima kinguneqassaaq kr. 500.000,- konto 66-02-76-12-00 -imut, Ataatsimiititaliap tamanna akuersissutigissappagu.

Inatsisit tunngaviusut:

- Inatsisartut inatsisaat nr. 17, 17. november 2010 -meersoq pilersaarusiortarneq nunaminertanillu atuneq.
- Inatsisartut inatsisaat nr. 34, 9. december 2015 -meersoq Inatsisartut inatsisaannut nr. 17, 17. november 2010 -meersumut pilersaarusiortarneq nunaminertanillu atuinermullu allannguut.
- Qaasuitsup Kommuniarut pilersaarut 2014-2026
- Immikkoortortamut pilersaarut C01, Ilimanaq
- Qaasuitsup Kommuniata, Realdaniap World of Greenlandillu akunnerminni isumaqatigiissutaat

Suliap suliarineqarfia:

Teknikkeqarnermut ataatsimiititaliaq
Aningaasaqarnermut ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

Aningaasaqarnermut Ataatsimiititaliap aaliangenera ilalernerqassasoq

Ilangussat atortussat:

Bilag 005-01: [Konto 66-02-76-12-00 -imut aningaasaliissutinut tapiiffigitinnissamut qinnuteqaat immersugassaq](#)

Bilag 005-02: [Qaasuitsup Kommuniata, Realdaniap World of Greenlandillu akunnerminni isumaqatigiissutaat](#)

Aalajangiussaq:

Tunngaviatigut Ilimanamiik eqqakkat assartorneqartarnissaat isumaqatigineqarpoq. Missingersuusiortarnermullu maleruagassat malillugit missingersorneqartarsimanersut sukumiisumik misissuisoqarnissaa inassutigineqarpoq, ataatsimiititaliami aningaasaqarnermullu ataatsimiititaliamut taamatullu Kommunalbestyrelsimut immikkut ittumik ataatsimiinnissaanut suliarineqaqqissaq.

Suliaq nr.	Pineqartog	Ilanng. nr.	006
KOM 20-021	Missingersuutitut suliaqarnermi sinaakkutissaq 2021	Journal nr.	

Uteqqiineq:

Avannaata Kommuniani suleriaatsit akuerineqarsimasut iluanni missingersuutit siullermeerneqannginnerani sinaakkutissatut Aningaasaqarnermut ataatsimiititaliaq aaliangersaasarpoq Kommunalbestyrelsimullu innersuussilluni. Uanilu Kommunalbestyrelsip aaliangiiffigissavaa.

Suliap saqqummiunnera:

2021-imut missingersuusiordermi aningaasaqarnermut ataatsimiititaliap missingersuutini sinaakkutissat aalajangersartarpai, Kommunalbestyrelsimullu akuerisassanngorlugit ingerlateqqinneqartarlutik. Missingersuutini sinaakkutissatut tunaartarinqartussat aaliangerneqareeraangata ataatsimiititaliat ataavartunut ingerlateqqinneqartarput siullermeerinninnissamik suliaqarnissaanut sinaakkutissatut. Missingersuutini sinaakkutit aningaasat tigoriaannaatissatut ilimagisat tunngavilertarpaat. Aningaasat tingoriaannaat aningaasaqarnermut naalakkersuisoqarfimmiit aammalu akileraartarnermut qullersaqarfimmiit paasissutissat aallaavingineqarput.

Sanaartornermut aningaasartuutit missingersorneqarput, 85 mio. kr.-imut inissillugit

Ingerlatsinerneq aningaasartuutit missingerneqarput naatsorsuutit 2018 aammalu 2019 inernerit aallaavingalugit. Akit, akissarsiallu qaffaataanissaat missingersuutini ilanngunneqanngillat.

Aningaasat tigoriaannaat ima kisitsisitaqarput:

Konto	Tekst	Regnskab 2018	Regnskab 2019	1. kvartal 2020	Rammeforslag 2021	BO 2022	BO2023	BO 2024
1	Fælles Service	149.921	157.464	154.963	156.629	156.629	156.629	156.629
2	Teknisk område	37.915	41.579	41.969	40.639	40.639	40.639	40.639
3	Erhvervs område	20.657	21.981	30.278	21.697	21.697	21.697	21.697
4	Familie område	295.347	293.847	310.526	312.016	324.016	324.016	324.016
5	Udviklings område	260.271	275.553	288.850	272.671	272.671	272.671	272.671
6	Forsyningsvirksomhed	5.955	7.834	7.000	7.002	7.002	7.002	7.002
Total	Driftsomkostninger	770.066	798.259	833.586	810.654	822.654	822.654	822.654
7	Anlægsområdet	81.638	100.587	99.900	85.000	85.000	85.000	85.000
Total	Drift og anlægsudgifter	851.704	898.846	933.486	895.654	907.654	907.654	907.654
8	Indtægter	-851.704	-898.846	-938.488	-910.507	-924.775	-924.775	-924.775
Total	Resultat før status	0	0	-5.002	-14.853	-17.121	-17.121	-17.121
9	Statusområdet	-58.321	-12.670	15.182	12.841	12.841	12.841	12.369
Total	Årsresultat 1 - 9	-58.321	-12.670	10.180	-2.012	-4.280	-4.280	-4.752
9	Primo kassebeholdning	246	58.567	71.237	61.057	63.069	67.349	71.629
Total	Ultimo kassebeholdning	58.567	71.237	61.057	63.069	67.349	71.629	76.381

Ingerlariaqqinnissaq

Missingersuutit sinaakkutissatut saqqummiunneqartut akuerineqarpata ataatsimiititalianut ingerlateqqinneqassapput siullermeerinninnissamut suliaqarnerminni.

Aningaasaqarnermi kingunerisinnaasat:

Missingersuutit sinaakkutigineqartussat ukioq 2021-mi Inatsisartut siunertarisaat, siusinaartumik utoqqalinersiat tamakkiisumik Kommuninut akisussaaffik tunniunneqassasoq ulloq 01. Juli 2021 aallarnerfingalugu, tamanna malitseqarpoq akilikkat utertinneqartartut (refusionsordninger) unissasut, tapiissutillu ilaneqassallutik. Allanguutitut aningaasartuuteqarfiusussanut qulaani taaneqartuni matussutissaqarumalluni allaffissornikkut taamatullu aningaasartuutininik kissaatinillu allatut tulleriarinissat

anguniarneqartariaqarput.

Akileraartarnermut pisortaqarfik nalunaaruteqarpoq akileraarutigut isertitassani nalilersuisoqaqqissasoq ukioq manna COVID-19-mut pissutsit tunngavigalugit a'conto-mik akiliisarneq eqqarsaatigalugu aappaagumut isertitassatut missingerneqartuni A-tut aammalu B-tut akileraarutini 2,5%-mik apparneqassasut.

Qaanami illoqarfimmiik mittarfimmut aqqut Avannaata Kommunianut akisussaaffik ukioq 2021-mi tunniunneqassaaq, taannalu ukiumut aserfallatsaaliornera missingerneqarsimavoq kr. 200.000,00 bloktilskud-
kkut matussuserneqartartussaq.

Uani missingersuuserinissamat sinaakktissani missingerlugit ilanngunneqarput. Tamakkiisumik matussutissanik nassaartoqarsinnaanngippat sanaartukkanut aningaasaliissutini matussutissanik qinaasisoqartariaqassaaq.

Inatsisitingut sinaakktatingullu toqqammaviit

- Inatsisartut suliariumannittussarsiusinermut inatsisaat 2019-imeersoq.

Suliamik isumaginnineq:

Aningaasaqarnermut ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

Eqqaaveqarnermut, aqqusineqarnermut, anartarfeqarnermullu aningaasaliissutit nalilersorneqarluartariaqarput, pingaartumik atortutigut aningaasartuutit annertuut eqqumaffigineqassapput illoqarfinni nunaqarfinnilu missingersuutinik siullermeerinninnissami suliaqarnermi.

Sinaakktissatut inassuteqaataasut akuerineqarput.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 006-01

[Akileraartarnermut pisortaqarfiik nalunaarut](#)

Bilag 006-02

[Siusinaartumik utoqqalinersiat tunniunneqarnissaanut missingersuut](#)

Aalajangiineq:

Aningaasaqarnermut ataatsimiititaliap inassuteqaataa akuerineqarpoq.

Suliaq nr.	Pineqartog	Ilanng. nr.	007
KOM 20-022	Nunaqarfiit atuarfiini pisattanik nutarterineq	Journal nr.	

Uteqqiineq:

Peroriartortisinermut ataatsimiititaliap akuerivaa familieklasser-nut aningaasaliissutit allamut siunertamut atornerqarnissaat, uanilu aningaasaqarnermut ataatsimiititaliap ilalerlugu Kommunalbestyrelsimut aaliangigassanngorlugu ingerlateqqippaa

Suliamik saqqummiussineq:

Meeqqat atuarfiini avatangiiseqarneq pingaartuuvoq. Atuartut sulisullu atukkatigut pitsaasunik atugaqarnissaat anguniartuarneqassooq. Atuartunut sulisunullu atuarfeqarfiit orniginartuunissaat Avannaata Kommuniata qulakkiingassarai.

Ilinniarnermut Ingerlatsivimmi piareersarpugut nunaqarfiit atuarfiisa pisatai nutarteriffigissallugit. Missingersuutit 2020-imut sananeqarmata aningaasartuutaasussat ilanngunneqarnikuunngillat.

Aaqqiissutissatut siunnersuut – suliatigut naliliineq.

Ilinniarnermut Ingerlatsivimmut takusinnaavarput familieklassimut missingersuutit atornerqarniingittut. Taamaattumik siunnersuutigaarput nunaqarfiit atuarfiisa pisataasa nutarternissaannut aningaasat taakku Ilinniarnermut Ingerlatsiviup atussagai.

Ingerlaqqinnissaq

Tamanna akuerineqarpat, Ilinniarnermut Ingerlatsivik Teknikkimut Ingerlatsivik suleqatingalugu suliffeqarfinnut neqeroorusiortitsissuugut.

Inatsisitigut tunngavissat:

- Atuarfik pillugu Inatsisartut inatsisaat nr. 15, 3. december 2012-imeersoq

Kinguneqaatit:

Nunaqarfiit atuarfiisa pisataat ilaatigut pisariaqartumik nutartigassaapput. Nutarneqarpata atuarfiit orniginarnerulissapput, immaqalu ilinniartitsisussarsiorneq ajornannginnerulerluni.

Aningaasaqarnikkut kinguneqaatit:

Aningaasaliissutit pioreerput nuunneqaannassallutilli Konto 5-p iluani.

Suliamik suliarinnittoq:

Peroriartortitsinermit Ataatsimiititaliaq
Aningaasaqarnermut ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

- Pisiffiusussanik suliariumannittussarsiussoq (Udbud)
- Aningaasartuutissat pisiniarnermi aningaasaliissutit iluanni immikkoortortaq suliaqassasoq
- Aningaasartuutissat tuniniaanermi inerniliussat iluanni konto 51-miik konto 7-mut nuutsinneqassasut
- Taamatut isikkoqartillugu Kommunalbestyrelsimut aningaasaqarnermut ataatsimiititaliap ingerlateqqissagaa

Ilanngussat:

Bilag 007-01: [Balance](#)

Aalajangiineq:

Aningaasaqarnermut ataatsimiititaliap innassuteqaataa akuerineqarpoq.

Suliaq nr.	Pineqartog	Ilanng. nr.	008
KOM 20-023	Maarmorilik Fond, aaliangersakkat nutarterneri	Journal nr.	

Uteqqiineq:

Aningaasaateqarfiup Maarmorilik-up aaliangersagai allanngortinneqarnerani Aningaasaqarnermut ataatsimiititaliaq aqqusaarlugu Kommunalbestyrelsimut akuerisassanngorlugit ingerlateqqinneqartut

Suliap saqqummiunnera:

Aningaasaateqarfimmi siunertarineqarpoq Uummannami taassumalu nunaqarfiini inuussutissarsiornerup ineriartorneranik tapersersuinissaq, matumani inuussutissarsiornermik nutaanik pilersitsinerit ineriartortitsinerillu anguniarlugit.

Maarmorilimmi aqerlunik zinkimillu piaaffimmik ”Inngili Qernertoq”-mik matusinerup kingorna Greenex A/S-imiit akuersissummut akileraarutit Nunatta Karsianut akiliutigineqarsimasunit aningaasaateqarfimmi aningaasaatit pissarsiarineqarput. Aningaasaliissutillu tapiissuteqarnikkut, tunissuteqarnikkut, kingornussanik allatigulluunniit tapiissuteqarnikkut ilaneqarsinnaallutik. Aningaasaateqarfimmik pilersitsinerimi 3.000.000 kr.-it aningaasaatigineqarput. Aningaasaateqarfimmi aningaasaatit attorneqassanngillat.

Ingerlariaqqinnissa.

Aningaasaateqarfimmi Maarmorilik-mi siulersuisut 05. juni 2020 ataatsimiinnermini aaliangerpaa, Aningaasaateqarfimmut aalajangersagaq 16. marts 2020-eersaq Kommunalbestyrelsimut akuersissutigineqarsimasoq allanngortinneqassasoq, malittarisassat ersarinninngortinnerisigut Aningaasaliissutinillu nakkutilliinerunissamut najoqqutassiornikkut.

Aningaasaqarnermi kingunerisinnaasat:

Kommunimut toqqaannartumik aningaasaqarnikkut kinguneqassanngilaq.

Inatsisitigut tunngavigisat:

Aningaasaateqarfiup maleruagassai

Suliamik isumaginninneq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

Aningaasaqarnermut Ataatsimiititaliap aaliangernera ilalernerqassasoq

Ilanngussat:

Bilag 008-01: [Maarmorilik Fond-p aaliangersagai](#)

Bilag 008-02: [Vedtægter for Fonden Maarmorilik](#)

Aalajangiineq:

Akuerineqarpoq.

Suliaq nr.	Pineqartog	Ilanng. nr.	009
KOM 20-024	Ilassutinik aningaasaliineq, Qaanaami upalunaarsimatitaqarneq	Journal nr.	

Uteqqiineq:

Annaassisarnermut upalungaarsimatitanut inatsit malinninniaaraanni, Qaanaami upalungaarsimatitaqarnerup iliuseqarfiginissaa pisariaqarpoq. Tamatuma aningaasartuuteqarfigineqarnerata kinguneraa, maanna ilassutissanik aningaasaliisoqarnissaa qinnutigineqarmat. Tamatuma kinguneranik pisariaqarpoq Aningaasaqarnermut ataatsimiittialiup aaliangernera Kommunalbestyrelsip ilalissagaa.

Suliamik saqqummiineq:

Qaanaami upalungaarsimatitaqarnermut atatillugu inatsini aalajangersakkat malitsinneqanngillat pissutsini mar-lunni. Qatserisartut biilii amigaataapput aammali qatserutaasivik pisoqalinikooqaaq. Maanna biilit qatserutit ima pisoqaatigaat, allaat kingoraartissarsiortarneq ajornartorsiortitsisarlu. Atuuffissaminut atorsinnaanngilaq. Ajornartoornermili aaqqiissutissarsisoqarsimavoq biilit qatserutaasinnaallutik. Qatserutaasivik aserfallasssi-maqaaq iluarsaannissaalu pisariaqarluni. Ungasissumut isigaluni suliniutaasussavaoq tassaniilu kommunalbestyrelsi aningaasaliissutissanik ukiunut malitsigiittunut immikkoortitsisariaqarpoq.

Upalungaarsimatitsinermit qullersaqarfiup Avannaata Kommunian avoqqaarisimavaa, upalungaarsimatitsinermit inatsisini aalajangersakkanik malinnittussaataanera pillugu. Qaanaami qatserutinik atorsinnaasunik peqartariaqarpoq aammalu qatserutaasivimmik naleqquttumik.

Aaqqiissutissatut siunnersuut – ilisimasalittut naliliineq

Avannaata Kommunian Upalungaarsimatitsisoqarfiup suliaq misissuiffigisimavaa, inatsisini aalajangersakkanut malinninnissaq pillugu, pisariaqassarlu ima aningaasaliissuteqarnissaq:

- A-sprøjte kr. 1.575.000,-
- Biilit qatserutit kr. 235.000,-
- Qatserutaasivik kr. 389.369,-
- Tamalaat kr. 200.000,-

Katillugit kr. 2.399.369,-

Aningaasartuutini tamalaani ilaapput A-sprøjtenut atortussatut pisariallit aamma biilit inunnik assartuutit. Qulaani aningaasartuutissat pisariaqarput Qaanaami upalunaarsimatitaqarneq attatiinnarumallugu.

Ingerlariaqqinnissaq

Aningaasaqarnermut ataatsimiittialiup suliaq suliarivaa Teknikkeqarnermut ataatsimiittialiameereermat. Kingulliulluni kommunalbestyrelsep suliaq tigussavaa tassani pineqarmat aningaasaliissutitut ilassutissanik kommunep karsianiik qinnuteqarneq.

Aningaasaqarnikkut kingunissai:

Kommunep karsia kr.2.399.369.-nik ilanngarneqassaaq ilassutissatut qinnuteqaatit kommunalbestyrelsemit akuerineqarata. Aningaasaliissutitut kontonut ukununga nuunneqassapput:

- Biilersuarnik pisinermit, konto 72-42-00-50-01, kr. 1.575.000 + kr. 235.000
- Kommunep illuutai, konto 71-41-45-50-01, kr. 389.369
- Qaanaami qatserutaasivik, konto 25-01-45-15-00, kr. 200.000

Inatsisitigut toqqammavik:

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Suliamik isumaginnittut:

Teknikkeqarnermut ataatsimiittitaliaq
Aningaasaqarnermut ataatsimiittitaliaq
Kommunalbestyrelse

Aningaasaqarnermut Ataatsimiittitaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiittitaliap kommunalbestyrelsimut inassutingaa:

Aningaasaqarnermut Ataatsimiittitaliap aaliangenera ilalerneqassasoq

Tapiliussatut atortussat:

Bilag 009-01: [Biilit qatserutit, A-sprøjte](#)
Bilag 009-02: [Inunnik angallassissutit](#)
Bilag 009-03: [Illu, qatserutaasivik](#)
Bilag 009-04: [Ilassutitut aningaasaliissutissanik qinnuteqaat](#)

Aalajangerneq:

Akuerineqarpoq.

Suliaq nr.	Pineqartog	Ilanng. nr.	010
KOM 20-025	Akinik allanngueq	Journal nr.	

Uteqqiineq:

Kommunemi akigititanik ilassusiinissaq pisariaqalersimavoq. Tassa akigititanik nalimmassaaneq biilnut oqimaalutaaviliinikkut pisussaq. Uani suliamut atatillugu Kommunalbestyrelsip isummerfigissavaa, maanna akigititaasutut atuuttut allannguuteqarsinnaanerit.

Suliap saqqummiunera:

Avannaata Kommunia ukioq 2020 akigititanik atuuttussanik akuerisaqarpoq.

Eqqakkanut, saviminikunut assigisaannullu Ilulissani tunniussinermi akigititat pioreersut kubikmeteritut uuttorneqartarsimapput taamaasilluni biilnut oqimaalutaavittut qaqisarfiup nutaap atulernissaa periarfissaarussimallugu.

Aaqqiissutissatut siunnersuut – ilisimasalitutt naliliineq

Pissutsinut taakkartorneqartunut aaqqiissuteqarnissamut atatillugu ingerlatsivik piunasaqaatissamik suliaqarpoq akigitinniakkatut amigaataasut allannguiffiginissaannut nalunaarsornissaannullu.

Eqqakkat, saviminikut assigisaallu tunniunnerini akigititat siunnersuutigineqarput kubikmeterimiit tonsinnngortin-nissaanik, taamaasilluni biilnut oqimaalutaavik Ilulissaniittoq atulersinnaaniassammat. Tamatuma saniatigut siunnersuutigineqarpoq eqqakkat tigussaasunik arlariinnut immikkoortitertalernissaat, taamaasilluni immikkoor-titerinerimi assigiaarnerunik angusaqartoqassammat, soorlu assersuutigalugu igutserinerimi eqqiluisaartitsiner-milu.

Takuuk tapiliussaq 1.

Aammattaaq pisariaqalersimavoq eqqakkat sukumiinerusumik arlariinnut immikkoortitertarnissaat, maanna kom-munemi nalaarneqartarmata suliffeqarfiit eqqagassaatik eqqortumik immikkoortitertanngikkaat, immikkoortiterinerillu eqqortumik suliarinngikkaanni, nukiit annertunerit atortariaqartarput eqqakkat assigiiingitsut immik-koortiternissaannut.

Ingerlariaqqinnissaq

Akigititanut siunnersuutit ataatsimiittitaliap akuerissapatigut, kingorna isumaqalerumaarpoq oqimaalu-taavissuup atulernissaanut sulinermilu atukkatigut pitsanngorsaataalluni.

Aningaasatigut kingunissai:

Aningaasatigut kinguneqassanngilaq, tassami eqqakkat amerlassusaat tunniussuuttut allanngussanngimmata. Eqqakkalliuku tunniunneqartartut suussusaasigut immikkoortitat allannguuteqarniartut.

Sinaakkusiussatut aalajangersakkat inatsisitigullu toqqammavissat:

- Avannaata Kommuniata 2020-mi akigititai
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Suliamik ingerlatsisoq:

Teknikkeqarnermut ataatsimiittitaliaq
Aningaasaqarnermut Ataatsimiittitaliaq
Kommunalbestyrelse

Aningaasaqarnermut Ataatsimiititaliami aaliangerneq:

Akuerineqarpoq.

Innassuteqaat:

Aningaasaqarnermut Ataatsimiititaliap kommunalbestyrelsimut inassutingaa:

Aningaasaqarnermut Ataatsimiititaliap aaliangenera ilalernerqassasoq

Tapiliussatut atortussiat:

Bilag 010-01: [Akigititanut allannguutissatut siunnersuut](#)

Aalajangiussaq:

Akuerineqarpoq.

Ataatsimiinneq naavoq nal. 12:32

Atsiorfissaq:

Palle Jerimiassen, (S),

Jens Kristian Therkelsen, (S)

Sakio Fleischer, (S),

Jørgen Kristensen (S)

Jakob Petersen (S)

Susanne K. Eliassen (S)

Ane Marie M. Andersen (S)

Apollo Mathiassen (S)

Masauna Holm Petersen (S)

Karl Markussen (A)

Aqqaluk Heilmann (PN)

Aqqalu Jerimiassen (A)

Anthon Frederiksen (PN)

Ole Danielsen (PN)

Bendt B. Kristiansen (IA)

Regine N. Bidstrup (IA)

Lena Ravn Davidsen (D)
